

桔萸根 橘皮各一兩 黃連二兩
半夏三兩 乾薑半兩

右八味以水六升煮取二升分三服
初治云治老小利水數不化腹中當鳴心下痞滿乾嘔不安無橘皮枯萸若寒加附子一枚錫加桔萸一兩唯加橘皮一兩若加當歸一兩仲景用大東十二次

治夏月暴冷忽壯熱泄痢引飲熱湯下斷變
通身浮腫成冷下結脉沈細小數方

澤瀉一兩 吳茱萸 茯苓

白木 當歸 桔梗

犀角 青木香 海藻

芍藥 大黃各二兩

右十一味以水九升煮取三升分三

服下後消息五六日許可與女麴散

女麴散治痢後虛腫水腫者服此藥小便利
得止腫亦消

女麴汁 乾薑 細辛

椒目 附子 桂心各一兩

右六味治下篩酒服方寸匕不知加至二

三七日三產後虛滿者大良

治卒暴冷下下部疼悶方

燒乾令熱大酢沃之三重布覆坐上即
瘥

孫真人備急千金要方卷之五十

正一天師清微弟子 洪百堅 製作
道教學術資訊網站

孫真人備急千金要方卷之五十一 規一

宋朝奉節守太常少卿充秘閣校理林億等校正

脾臟方

疝濕痢第九論 方

論曰凡疝濕之病皆由暑月多食肥濃油膩
取冷眠睡之所得也禮云君子感暑之月薄
滋味無食肥濃煮餅此時以不利人也養生
者宜深戒之不爾多患疝濕痢耳

凡所患處或著口斷咽喉下部疝與月蝕並
不痛令人不覺其治用五月五日蝦蟇角蒿

故月木寒食泔浣但得一事單用之燒作灰
和臘月猪脂傅之逐手便瘥極須慎口味耳

凡疝在慎鹽醬酢酥油棗等一切皆忌惟白
飯豉首着苦苣蕒菁不在禁限

凡吹藥入下部沒中指許深即止

治疝濕下黑醫不能治垂死者方

鬲饑灰 熏黃 朱砂

青黛 石鹽 丁香

麝香 礬石 梔子

萸芎子 鐵衣 乾薑

故乾底灰 乾蝦蟇五月五日細辛

土瓜根 芥子 蜀椒

葶藶 葛蒲各等分

右二十味治下篩以竹筒吹香人大著大孔中所有患疔瘡上悉傳之其丁香麝香

別研搗著藥中合之一方有寒石泔液故月木楸葉為二十三味若病大者用灌方如左

麝香 丁香 甘草

犀角各三分

右四味治下篩合和以鹽三合蜀椒三合豉二合以水二升煮取一升去滓內四味散合和分作二分灌大孔旦一灌酉一灌之凡又下一月不瘥成疔候大孔必寬者是以此主之

八物茜根湯凡下血者是蠱也以此主之方中蠱

治疔濕久下痢赤白百瘵不瘥者方

兔頭骨 蛇頭 荊蕒子
故緋皮 葶藶子 狸骨一作

蟻蟻 百草五月五日收者 倒掛草

青黛 晚蠶蛾 青礬

丁香 林中栳木 蠹蟲屎

麝香 苦參 黃蘗

乾薑 角蒿 朱砂

印成鹽 救月木 桂心

鐵衣 芒消 蝦蟇

黃礬 荏子各等分

右二十九味治下篩以筒子內下部吹著日一二度妙

治疔濕不能食身重心熱脚冷百節疼痛方

黃芩 芍藥 苦參

甘草 當歸 蜀椒

甘松一作 青黛 薰黃

豉各二分 東引桃根 葱白各一

鹽一合 麝香半分 猪膽二枚

右十五味以咀以水一斗八升煮取四升分為二分一度灌一分湯如人體然後著麝香猪膽一枚即灌灌了作葱豉粥食之後日更將一分如前灌之七日忌生冷毒

物等但是油膩醬乳醋三十日忌之大佳治疔蝕人諸處但是赤血痢久不瘥立著即瘥秘方

乾蝦蟇五月五日收者

金銀土搗各五分 人屎灰一作

銀末小豆 麝香一分

右五味治下篩傳瘡上即瘥三七日忌如前痢者吹下部

治疔痢不止方

苦參 甘草 薰黃各二分

豉半升 葱白五 蜀椒三十

右六味以苦參等三物各搗下篩以水五升煮葱白豉椒取三升以三指撮苦參末等各一撮內汁中冷暖如人體先飲少許豉汁食一口飯乃側卧徐徐灌之訖多時

卧不出為佳大急乃出之於淨地當有疔濕蟲如白馬尾狀頭黑是其效也其重者疔大難瘥當取桃枝綿裹頭用前件汁適寒溫烙之須近脊一上三十度烙之乃瘥神驗

又方崔氏云晉代之地多三疳蝕人五藏通見脊骨下膿血手足煩疼四肢無力夜卧煩躁不安而失血色肩胛疼面及手足有浮氣或下血乃死治之方

雄黃 一 青柏 各二 苦參 三

礬石 一 雌黃 一 鐵衣 一

藥蘆 各一 麝香 別研

右八味治下篩以竹管內大孔中酸棗許吹向下部中日一不過三度小兒以大豆許此方極救死

又方

大麻子 一 胡麻 各一

右二物並熬令黃以三升瓦甌泥表上厚一寸待泥乾內大麻等令滿以四五枚葦管挿口中密泥之搥地作窻倒立窻口底著瓦器承之密填窻孔中地平聚炭甌四面著壘壘之日沒放火燒至明且開取適寒溫灌疳濕者下部中一合尋覺咽中有藥氣者為佳亦不得過多則傷人隔日一灌重者再三灌之從旦灌至日夕極覺

體中之力勿經也非但治疳濕凡百異同瘡疥癬並洗塗之

論曰凡日月蝕時忌食飲腹中生蠱蟲及房室生子不具足必患月蝕瘡亦不得與兒乳日月生後乃不忘令人口臭齒斷宜露常有

血出舌上生瘡者皆由犯此所致耳日月蝕時須救不救出行逢暴雨其救月杖須收取

治蠱之神藥預備患此者施之救療

治月蝕惡瘡息肉方

硫黃 一 簡茹 一 斑猫 各等

右三味治下篩傳瘡上乾者以猪脂和傅之日三夜一

又方

地榆根 薔薇根 吳茱萸根

右三味各三兩治下篩以鹽湯洗瘡傅之日三

日三

小兒痢第十方

温中湯治小兒夏月積冷洗浴過度及乳母亦將冷洗浴以公乳飲兒兒壯熱忽值暴雨涼加之兒下如水胃虛弱則面青肉冷眼陷

乾嘔者宜先與此調其胃氣下即止方

乾薑 一 厚朴 各一 當歸 一

桂心 一 甘草 各三 人參 一

茯苓 一 白朮 一 桔梗 各二

右九味以水二升煮取九合六十日至百日兒一服二合半餘皆隨兒大小

温中大黃湯治小兒暴冷水穀下或乳令下

青結不消或食實吐下乾嘔煩悶及冷滯赤

白下者良若已服諸利湯去實胃中虛冷下

如水乾嘔眼陷煩擾不宜利者可除大黃若

中乳乳母洗浴水氣未消飲兒遂為霍亂者

但用大黃小兒諸霍亂宜利者便用大黃不

須利宜温和者除之方

大黃 分六 桂心 一 厚朴 一

甘草 一 乾薑 各一 人參 一

茯苓 一 白朮 一 當歸 各二

桔梗 分三

右十味以水二升半煮取八合凡兒三十日至六十日一服二合七日至一百日一服二合半二百日已來一服三合

黃蘗湯治小兒夏月傷寒寒折大熱熱入胃下赤白滯如魚腦壯熱頭痛身熱手足煩比太陽之氣外傷寒便熱氣便入胃服此方良若誤以利藥下之或以溫脾湯下之則熱劇以利藥下之便數去赤汁如爛肉者或下之不瘥宜以濕熱藥斷之下既不止倍增此熱者服之即放或是溫病熱感復過寒折之熱入腹中下血如魚腦者服之良方

黃蘗 黃連 升麻
白頭翁一作當歸 牡蠣

石榴皮 黃芩 寄生
甘草各二分 犀角 艾葉各一分
右十二味以水三升煮取一升二合百日兒至二百日一服三合二百餘日至暮歲一服三合半

治中結腸斷冷滯下赤白青色如魚腦脫肛出積日腹痛經時不斷者方
赤石脂五分 吳茱萸三分 乾薑
附子 當歸 厚朴
白朮 木蘭皮 白頭翁

黃連 石榴皮 黃蘗各二分
右十二味為末蜜丸如大豆二歲兒服五九三歲已上服十九十歲已上二十九暴下者服少許便瘥積下者盡一劑更合
梔子圓治少小熱痢不止方

梔子七枚 大棗四枚 黃蘗三分
黃連五分 礬石四分
右五味為末蜜丸如小豆大服五九日三夜二服不知稍加至十九
梨蘆圓治少小泄清痢方

藥蘆二分 黃連三分 附子一分
右三味為末蜜丸如麻子大以粥飲服二九立驗
四物梁米湯治少小泄注方
梁米 稻米 黍米各三升

蠟如彈丸大
右四味以水五升束向竈煮梁米三沸去滓復以汁煮稻米三沸去滓復以汁煮黍米三沸去滓以蠟內汁中和之蠟消取以飲之數試有驗

龍骨湯治少小壯熱渴引飲下痢方
龍骨 甘草 大黃
亦石脂 枯薑根 石膏
寒水石 桂以各二兩
右八味治下篩以酒水各五合煮散二合二沸去滓量兒大小服之

大黃湯治少小下痢若熱不食傷飽不乳方
大黃 甘草 麥門冬各一分
右三味以水二升煮取一升二三歲兒分三四服

生金牛黃湯治小兒積下不止因發痢方
生金三銖一方用六銖無生金用熟金亦得法應作骨今方盡成器者 牛黃三銖 麻黃一分 黃連
乾薑 人參 甘草各一分
細辛一分

右八味以水一升六合煮取八合去滓臨服研牛黃以煮湯中嫌兒熱者用生薑代乾薑今世之生金但用成器金亦善二三兩皆得用之
澤漆葉黃湯治小兒夏月暴寒寒合用則暴

下如水四肢被寒所折則壯熱經日不除經月許日變通身虛滿腹痛其脉微細服此湯一劑得數漸安神方

澤漆 青木香 海藻各二

吳茱萸 茯苓 白朮

桔梗 芍藥 當歸各三

大黃分一

右十味又咀以水四升煮取一升半二百日至一歲兒一服二合半一歲已上至二歲一服四合

枳實散治少小久痢淋瀝水穀不調形羸不堪大湯藥者宜此方

枳實二兩治下篩三歲已上飲服方寸

七若兒小以意斟酌日三服

治少小洞注下痢方

羨蕪子二升搗汁温服以瘥為度

又方取木瓜汁飲之

又方酸石榴燒灰末服半錢七日三

又方炒倉米末飲服

又方狗頭骨燒灰水和服之

又方

羊骨灰 鹿骨灰

右二味薑水和服之隨得一事即用之

又方炒豉令焦水淋汁服之神驗冷則酒淋服

又方五月五日百草末吹下部

治小兒赤白滯下方

薤白各一 豉升一

右二味以水三升煮取二升分三服

又方

柏葉 麻子末各一

右二味以水五升煮取三升百日兒每服三合

又方搗石榴汁服之

又方牛角鰓灰水和服三方寸七佳

又方燒蜂房灰水和服之

又方

亂髮灰 鹿角灰

右二味等分三歲兒以水和服三錢七日

三

治小兒赤白痢方

白蘘荷根汁 生地黃汁各五

右二味微火上煎一沸服之

單方治同前服生地黃汁一合

又方五月五日蝦蟇灰飲服半錢七

治小兒熱痢方

煮木瓜葉飲之

治小兒冷痢方

菘菜搗汁量大小與之一方作芥菜

又方搗蒜傳兩足下

治小兒暴痢方

小鯽魚一頭燒末服之亦治大人

又方燒鯉魚骨末服之一方作龍骨

又方赤小豆末酒和塗足下日三度油和亦得

得

治小兒蠱毒痢方

藍青汁一升二合分為四服

治小兒渴痢方

搗冬瓜汁飲之

孫真人備急千金要方卷之五十一